



Broj: 1-2-50-818-1/23
Banja Luka, 12. 10. 2023. godine

Direkcija za civilno vazduhoplovstvo Bosne i Hercegovine, postupajući po zahtjevu Amera Kurtovića, v.d. direktora Internacionalnog Burč univerziteta iz Ilidže, a na osnovu Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23), donosi:

RJEŠENJE

o pristupu informacijama

kojim se **ODOBRAVA** pristup informacijama u vlasništvu Direkcije

Obrazloženje

Dana 6. 10. 2023. godine Direkcija za civilno vazduhoplovstvo Bosne i Hercegovine (u daljem tekstu: BHDCA) zaprimila je zahtjev na osnovu Zakona o slobodi pristupa informacijama na nivou institucija Bosne i Hercegovine, u kojem podnosilac Amer Kurtović, v.d. direktora Internacionalnog Burč univerziteta iz Ilidže, zahtijeva sljedeće informacije:

„Na osnovu Zakona o slobodi pristupa informacijama u Bosni i Hercegovini („Službeni glasnik BiH“, br. 61/23) tražimo da nam dostavite elektronskim putem informacije o broju podnesenih zahtjeva za pristup informacijama u periodu od 1996. do 2023. godine te o karakteristikama Zahtjeva, podnosioca zahtjeva i odgovora kako slijedi:

Karakteristike Zahtjeva

- predmet informacija traženih Zahtjevom za pristup informacijama te broju protokola;
- datum prijema Zahtjeva za pristup informacijama;
- tip informacija, odnosno arhivske građe tražene Zahtjevom za pristup informacijama; te
- traženi način pristupa informacijama.

Karakteristike podnosioca

- status lica;
- rod lica; ako je fizičko lica;
- prebivalište, odnosno sjedište lica; te
- djelatnost(i) lica, ako je pravno lice.

Karakteristike odgovora

- vrsta odgovora;
- odobren način pristupa informacijama;
- datum slanja odgovora; te
- prilozi, odnosno dodatni zahtjevi.

Molimo da navedene informacije dostavite u vidu tabela koje stavljamo u prilogu.“

Postupajući po zahtjevu, a na osnovu čl. 7, 9, 23. stav (1) i 26. stav (1) Zakona o slobodi pristupa informacijama na nivou institucija Bosne i Hercegovine (u daljem tekstu: Zakon), BHDCA je odobrila pristup informacijama koje su u vlasništvu Direkcije, kako je navedeno u dispozitivu rješenja, uz napomenu da je Zakon o slobodi pristupa informacijama u Bosni i Hercegovini, koji je bio na snazi do 13. 9. 2023. godine, objavljen u „Službenom glasniku BiH“, broj 28/00 od 17. 11. 2000. i stupio je na snagu krajem 2000. godine.

Takođe, Lista kategorija registraturne građe sa rokovima čuvanja iz nadležnosti BHDCA, sačinjena u skladu sa Zakonom o arhivskoj građi i Arhivu BiH („Službeni glasnik BiH“, broj 16/01), Pravilnikom o zaštiti i čuvanju arhivske građe u Arhivu BiH i registraturne građe u institucijama BiH („Službeni glasnik BiH“, broj 10/03) i Uputstvom o arhivskoj knjizi, čuvanju registraturne i arhivske građe, odabiranju arhivske građe i primopredaji arhivske građe između ministarstava, službi, institucija i drugih organa Savjeta ministara BiH i Arhiva BiH („Službeni glasnik BiH“, broj 16/06), propisuje da je rok čuvanja zahtjeva za pristup informacijama i odgovora po zahtjevu (rješenja i drugih akata) 10 godina.

Na osnovu navedenog, BHDCA podnosiocu zahtjeva dostavlja informacije u obliku fotokopije donesenih rješenja i drugih akata nastalih na osnovu zahtjeva za pristup informacijama u elektronskom obliku za period 2013 – 2018. godina, a kako je Savjet ministara BiH na 160. sjednici, održanoj 3. 12. 2018. godine, usvojio Politiku i Standarde proaktivne transparentnosti i svojim zaključkom zadužio institucije Savjeta ministara BiH da redovno ažuriraju i objavljuju informacije i dokumente proaktivne transparentnosti, tako BHDCA od 2019. godine na svojoj web stranici objavljuje odgovore po zahtjevima za pristup informacijama, kao jedan od Standarda, te su tražene informacije za period 2019 – 2023. godine već javno objavljene i, u skladu sa članom 26. stav (2) tačka b) Zakona, obavještava se podnosilac zahtjeva da ih može pronaći na web stranici BHDCA (www.bhdca.gov.ba). Iz navedenih rješenja podnosilac zahtjeva može vidjeti informacije koje traži, a koje su u vlasništvu BHDCA.

BHDCA nije vlasnik informacija o statusu, rodu i djelatnosti (niti je nadležna da ih utvrđuje, tumači i obrađuje) podnosioca zahtjeva kako to definiše tačka i) člana 5. Zakona. Takođe, u skladu sa Zakonom o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13) koji je bio na snazi u vrijeme na koje se zahtjev odnosi, te informacije su bile irelevantne za obradu zahtjeva za pristup informacijama, kao i naprijed navedenim članom Zakona, te podnosiocu zahtjeva ne može dostaviti tu vrstu informacija, kao i informacije o prebivalištu, odnosno o sjedištu.

Kako u pojedinim rješenjima o pristupu informacijama nisu navedeni datumi prijema zahtjeva, BHDCA dostavlja i predmetni zahtjev.

Ovo rješenje i, u skladu sa naprijed navedenim, foto-kopije akata nastalih u postupku odlučivanja po zahtjevima za slobodnom pristupu informacija za period od 2013. do 2018. godine, u elektronskom obliku, podnosiocu zahtjeva će, u skladu sa članom 22. stav (2) Zakona, dostaviti službenik za informisanje BHDCA sa službene e-mail adrese na e-mail adresu podnosioca zahtjeva navedenu u zahtjevu: ssrc@ibu.edu.ba i aldina.husejinovic@ibu.edu.ba.

U skladu sa čl. 13. i 24. stav (1) Zakona o slobodi pristupa informacijama na nivou institucija Bosne i Hercegovine, podnosilac zahtjeva oslobođen je plaćanja taksi i naknada na ovo rješenje.

Uputstvo o pravnom lijeku: Protiv ovog rješenja može se, u roku od 15 dana od dana prijema rješenja, podnijeti žalba Žalbenom savjetu pri Savjetu ministara BiH kao drugostepenom organu.

Prilog:

- Kao u tekstu;

Dostavljeno:

- ssrc@ibu.edu.ba

- aldina.husejinovic@ibu.edu.ba

- a/a

